

۱

گلدیم كنده خیال آتین سورمه‌گه
قانادلانیب قوش تك كندی گۆرمه‌گه
كند آدینا بیر یادگار هۆرمه‌گه
دولو خونچا سیزه سلام گتیردیم
آیدین سۆزله دوزگون كلام گتیردیم

۲

گۆزل كندیم آچدی منه قوجاغین
یئرہ تۆكدو گۆزلریندن بولاغین
آرزوم بودور سۆنمه‌سین هئچ اوجاغین
قولون آچیب قوجاقلادی بوینومو
یادا سالدی اوشاق ایکن اوینومو

۳

گول آنامین قوجاغینا گلمیشم
محبّتین بولاغینا گلمیشم
عزیزلرین سوراغینا گلمیشم
گۆروم قیشی چیخسین گوللو یاز اولسون
یامان گونو، گونو گوندن آز اولسون

۴

گۆزلىمىلە ياغا ياغا گلىمىشم
قورو چۆلدىن سانكى باغا گلىمىشم
اوزاق يىردىن قىزىل داغا گلىمىشم
دوردوم گلىدىم سولاريللا بىر آخام
گونش كىمى اۆز يوردوما بىر باخام

۵

گۆزل يوردا اوجا سلام وارىمدير
عزيز كندلى منىم گۆزل يارىمدير
قوشان شعرلر كنددىن يىغان نارىمدير
باغچالارىن چىچكلەنن باريسان
مظلوملارىن ائل ايچىنىدە يارىسان

۶

سلام كندىن تپەسىنە، داغينا
كردىسىنە، بوستانينا، تاغينا
يازلالرىنا، چىچكلەنن چاغينا
داغا باخان گئجە گوندوز چۆلونه
باش گۆتوروب كوسوب گئدىن گۆلونه

۷

دیلى شیرین سۆزۈ قىندە گلمیشم
چیچکله نى گوللو كىندە گلمیشم
سویو داشان آرخا بىندە گلمیشم
كىندە یازان شعرین قىندى منده دیر
قوشمالارین بئشلىك بىندى منده دیر

۸

بۇيوك باغيم، گولۈستانيم اۇلۈبسان
گولسن، بارسان، باغ بوستانلا دۇلۈبسان
كىملر دئيير سارالييسان سۇلۈبسان؟
چۇل كۇۋشەنين داغين داشين گوللەنيب
ائل ايچينده اوجا باشين ديللەنيب

۹

قىزىل داغيم سنە اوزوم چۇنوبدور
بىر بىر يانان چىراغلاريم سۇنوبدور
گۇزدن آخان ياشلار سئلە دۇنوبدور
من گلندە گول اوزونو آچيرسان
اياق يالين منه سارى قاچيرسان

۱۰

غەرىت يىئردن گۆزل كۆيە گىلمىشەم
قاپىلار دۆيە دۆيە گىلمىشەم
سەنە باشى اگە اگە گىلمىشەم
گۆزوم سەنى گوللو بىر باغ گۆرۈبدۈر
قىزىل گۈلدن گۆزل بىر باغ ھۆرۈبدۈر

۱۱

گەلدىم آنا قوجاغىندا بىر ياتام
اورە كەدەكى آرزىلار تئز چاتام
آيلار ايلن گۈنلر ايلن مەن باتام
گۆرم آيلار گۈنلر نەدن تئز باتىر
قوجاغىندا كىم اوزانىر كىم ياتىر

۱۲

گەلدىم كەندە اوزاق يىئردن اوز اوستە
آتا الين اۋپوپ قويام گۆز اوستە
قباغىندا اوتورام بىر دىز اوستە
غەرىت چەكن يانار، باخار وطنە
قىرىن قازىب كىملر بوكر كفنە

۱۳

آغلار گۆزدن اوزه آخان بیر یاشام
بۆیوک داغدان اوزاق دوشن بیر داشام
آیری قالان بدنلردن بیر باشام
گلدیم اوچان قوشلارینا آغلايام
اوره گیمی اوچانلارا باغلايام

۱۴

گلدیم باخام کندين اوجا باشینا
قربان اولام گۆزلیرینین یاشینا
سلام وئرم قییرلرین داشینا
قربانلیغی منده کسم بو کنده
بایراق اولوب دایم اسم بو کنده

۱۵

قیزیل داغین چۆللیرینین یوللاری
چۆلده بیتن اکینلرین کوللاری
خوش گلدینه آچیب منه قوللاری
دئییر گۆزلهر گونده سنی آختاریر
خرمنلرده تایلار دنی آختاریر

۱۶

گلدېم چىخام گۆزل داغىن باشىنا
دورۇب باخام قوروسونا ياشىنا
كىرەسىنە باغلارينا داشىنا
بوردا چوخلو «سېك داشى» آتمىشام
يورولاندا قوجاغىندا ياتمىشام

۱۷

گونلر باتىب گلدېم آيىن يانىنا
منه قسمت اولان پايىن يانىنا
گۆزل باغا آخان چايىن يانىنا
آعاجلارا منده بوداق اولموشام
اۆز ائويمه ايندى قوناق اولموشام

۱۸

الف قديم بوكولوب دال اولوبدور
حاليم گليب ديلمه قال اولوبدور
سؤزوم كنده شكرسىز بال اولوبدور
گلدېم كنىدىن بناسىنا دايانام
گۆزللەرىن خىناسىنا بويانام

۱۹

قانی آخان لالاردان سوروشما
جاندان کئچن باللاردان سوروشما
قانا باتان آتالاردان سوروشما
دریا اولان قانلاریندان نه دئییم؟
گۆیه اوچان جانلاریندان نه دئییم؟

۲۰

آیی گونو قوالاییب یورموشام
قاچیب گلیب «بوزتپه» ده دورموشام
صحبت آچیب مجلسلی قورموشام
گئدنلره قالانلارا باخمیشام
مرهملی اوره کلره یاخمیشام

۲۱

خیال قوشوم قیزیل داغی دولاندی
گئدنلره باخدی گؤزو سولاندی
اوره گنین چایی آخدی بولاندی
دئدی گوللر سؤلوب باغلار قالیدیر
کندلی لرین گؤزو آغلار قالیدیر

۲۲

گۈزۈل يوردوم كىملر دردىن آليبدىر؟
بۇيوكلردن سنده كىملر قاليبدىر؟
گىدنلرين سازين كىملر چاليبدىر؟
اوشاقلاردان قۇجالاردان كىم قاليب؟
بوداقلاردان بو گوللرى كىم ساليب؟

۲۳

گلدېم بورا غم غصّهنى آتماغا
اولدوزلارين مقامينا چاتماغا
كندين ياشيل اتگينده ياتماغا
بىزيم يولداش بىر ميكاييل وارايدى
قانا باتان گول اسماعيل وارايدى

۲۴

كندين گۈزۈل اوغلانلارى قىزللارى
سوفرالارين چۇركلىرى دوزلارى
كۇوشنلرين تورپاقلارى توزلارى
منى گۇرچك دئدى بىزيم علىدير
قارداشىنين گۈزۈل آدى ولىدير